

道藏立命篇

贈品

中國孔學會基隆辦事處啓化堂影印

立

命

箴
篇

心

命

藏

讀立命篇

人稟天地之正氣。陰陽之化育。而有此身。身者形之所寄。而命存於其中焉。命非形不存。形非命不立。苟非立命。何以保其形。而使之長生哉。是故全形惟道。立命惟術。術者何。乃竊天地生生之機。奪陰陽化化之權。顛倒坎離。升沉金木。採鉛運汞。聚氣凝神。鍊就大丹。脩成胎仙。返本還元。歸於無極。形由是全。而命卽於此立矣。四明玄陽子。情耽泉石。志在烟霞。默參丹訣。獨得玄機。道德五千。悟徹性天之趣。金砂二八。

潛修黍米之丹。有仙機之活潑。無俗慮之紛紜。優游自在。樂何如之。予過訪焉。見手撰立命篇一卷。備言烹煉次第。修養功夫。泐先天之秘籙。爲後學之津梁。雖馭風躡雲。餐霞吞月。代不乏人。若玄陽子真。可謂尙友古人者矣。他日功成蟬蛻。物外逍遙。未始非大羅天上詠霓裳之一人也。敢筆數言。聊以誌嚮慕之意云。

光緒昭陽協洽歲余月穀旦鹿峰山抱拙子謹識

立命篇序

夫人生在世。富貴功名。恰似黃梁之夢。夫妻恩愛。分明綠水之波。光陰如駛。日月如梭。試看古今多少英雄。盡卧北邙山中。思量及此。實可悲也。奈今世人。皆爲利名所羈。恩愛所牽。不能解脫。回頭登岸。甘自沉淪苦海。豈知韶光迅速。春秋易逝。分明紅顏轉瞬。白首一朝大限臨頭。父母永別。妻兒分離。斯時雖金玉滿堂。非君所有。而相隨者。惟有一生罪業也。一點眞性。無常引見閻君。爲善者。不過托生良善之家。無非

得個來生福報而已。終不能脫殼登真。作惡者難免披毛戴角之類。而再復人身。豈容易哉。故云千年鐵樹開花易。一失人身萬劫難。若不修大道。奚免輪迴。古之仙者。立勇猛之志。發長遠之心。千難不退。萬魔不改。勤修至藥。鍊就大丹。方能跳出輪迴。超昇天界。五行不能陶鑄。閻羅不能管轄。真所謂逍遙自在。物外神仙。余雖托跡塵寰。而志在修煉。幼自好道。少失怙恃。吾父守虛子。亦好混元真一之道。忽然一朝長逝。形歸太陰矣。得遺下悟真篇一帙。乃紫陽仙翁道

成之後而作以示後世。知修煉之有法。書中備陳金丹火候藥物。又得薛道光陸子野上陽子三真人註之。可謂盡發其蘊。其中秘密天機。何常不露。學人自不窮究耳。余初讀之。玄理奧妙。深不可解。如望洋然。茫茫無緒。然終不忍釋手。時時研究。刻刻細參。甚至廢寢忘食。夢想寐思。未常離其左右也。後於同治丁卯時。余十有七歲。果然天不負人。忽爾一旦心靈竅開。頓悟玄機。質諸丹經。無不脗合。真所謂悟一通百。天機了然。始知神仙之道。近在目前。人人皆可學而

立命篇目錄

金丹

藥物

火候

爐鼎

玄牝

先天一氣論

一轉

修築丹基

二轉

金水鑄劍

立命篇

目次

三轉

採藥歸壺

四轉

運火煉丹

五轉

靈丹出爐

六轉

溫養道胎

七轉

調神出殼

八轉

嬰兒乳哺

九轉

面壁還元

附面壁坐禪圖

七言四韻一十六首

金

丹

圖

二氣陰陽

鍊作團丸

還七返號

金丹自從

一粒來吞

口白日飛

昇生羽翰



一爐火候金丹熟

九轉功成皓月圓

金丹說

金丹乃陰陽之祖氣。天地之造化。鉛虎汞龍。交結而成。號曰九還七返金液大丹。人服成仙。雞餐變鳳。豈虛語哉。夫學人修此金丹。先須築基煉己。則三年煉已純熟。塵心已滅。慾念皆空。不被色魔所害。方能入室採藥。結丹頭。於片晌工夫。無多時日。蓋先天大藥。產於混沌之初。杳冥之間。乃托真土爲媒。引龍驅虎。會合其間。使兩情相投。二氣相啖。互各畱戀。行乾坤顛倒之作。用水火既濟之妙。工逆而收歸於黃庭中。

宮鼎內。則有先天真種。然後可以起火烹鍊。子進陽火。午退陰符。晝夜抽添。運行不息。奪得天地權衡。竊得陰陽造化。必使爐中之火。無所差殊。則爻象不失。列宿無違。鼎內之丹。漸鍊漸熟。百日功靈。圓明一顆。吞入腹中。遍體生香。頂上光現。足下雲生。翱翔于碧落雲漢之間。逍遙於蓬島三山之外。將來碧海桃熟。豈不自樂。縱然桑田變海。亦屬無憂。身同天地之悠久。與日月之光明。歷劫不壞。而萬古長存。此皆修煉金丹。超凡證聖之果也。

藥 物 圖

身中本有
長生藥海
外原無不
死方若個
能將龍虎
煮功成平
步上天堂



汞鉛莫向山中覓

龍虎還從身內求

藥物說

夫長生大藥。本人人具足。個個完全。世人皆因於愛河慾海之內。醉生夢死之場。漸漸耗散。不知凝聚之法。欲修金丹之士。須當積精爲先。精足而後氣足。氣足而後神旺。則精氣神三寶充足。可以採藥結胎。夫藥有內外之別。內藥者。乃自身中之陰汞也。其性流飛。若非陽鉛制伏。何能凝結一顆黍米之珠哉。所以丹非外藥不成。外藥卽陽鉛是也。生於西南之鄉。曲江之上。虎溪之邊。天地未判之前所種。不論貧富。家

家自有。何分貴賤。人人俱足。至近非遙。不在深山窮
谷。而亦不在天上地下。佛經云。不從天降。豈屬地生。
卽此義也。若採此藥。不必向天地山川之間而尋。當
於同類中求之。則不失本來之道矣。

火候圖說

子



復

初用火工用

初九

三三三

潛龍勿用

一陽生初行火意要誠心要定龍德潛藏勿宜

輕進

丑



臨

進火得位

九二

三三三

見龍在田

鼓巽風運火功刹那間滿鼎紅見龍在田光遍

虛空

寅



泰

加火守城

九三

三三三

乾日乾乾

天地交陰陽均汞入兩鉛半斤花女歛袂嬰兒

抑從。

卯



大壯

沐浴重淵

九四

三三

或躍

或淵

存誠

存誠

存誠

存誠

存誠

存誠

存誠

存誠

存誠

水制火金克木到斯時宜沐浴或躍或淵存誠

謹獨

辰



夫

九五

三三

飛龍在天

飛龍在天

飛龍在天

飛龍在天

飛龍在天

飛龍在天

飛龍在天

飛龍在天

飛龍在天

飛龍在天

飛龍在天

飛龍在天

巳



乾

上九

三三

亢龍有悔

亢龍有悔

亢龍有悔

亢龍有悔

亢龍有悔

亢龍有悔

亢龍有悔

亢龍有悔

亢龍有悔

亢龍有悔

亢龍有悔

亢龍有悔

午



姤

初六

三三

履霜堅冰

履霜堅冰

履霜堅冰

履霜堅冰

履霜堅冰

履霜堅冰

履霜堅冰

履霜堅冰

履霜堅冰

履霜堅冰

履霜堅冰

履霜堅冰

未



遁

六二

三三

直以方大

直以方大

直以方大

直以方大

直以方大

直以方大

直以方大

直以方大

直以方大

直以方大

直以方大

直以方大

申



否

六三

三三

含章可貞

含章可貞

含章可貞

含章可貞

含章可貞

含章可貞

含章可貞

含章可貞

含章可貞

含章可貞

含章可貞

含章可貞

酉●觀

六四三三括囊無咎

永要飛鉛要走至斯時宜謹守把沒底囊括結其口

戌●剝

退火復位

六五三三黃裳元吉

虛其心實其腹宜靜守待陽復動一剎間周天數足

亥●坤

野戰守靜

上六三三龍戰於野

羣陽剝丹光畢至精凝元氣息收拾居中黃裳元吉

養火

陰既藏，再生陽，到這裏要隄防。若逢野戰，其血立黃。

古歌曰：聖人傳藥不傳火。從來火候少人知。夫何謂不傳，非秘而不傳也。蓋採時謂之藥，藥中有火焉。煉時謂之火，火中有藥焉。能知藥而取火，則定裏之丹成。自有不待傳而知之矣。然火候之妙非一。有採藥之候，起火之候，煉丹之候，止火之候，沐浴之候，溫養之候，等類。夫採藥之候，乃陰極靜篤，一陽初動，恍惚。


之時。卽純陽真人曰：一陽初動，中宵漏永。魏伯陽真人曰：晦至朔旦，震來受符。白玉蟾真人曰：月圓口訣。明明語時，子心傳果不訛。此皆言採藥之候也。凡煉丹，必須子時而起火，則陽氣正生，火力方全。故陳泥丸曰：十二時辰，須認子。李虛菴曰：一陽動處，初行火。此皆言活子時起火之候也。煉丹之候，自子至巳，進陽火二百一十六。從午至亥，退陰符一百四十四。時逢卯酉，須當沐浴。卽陳希夷曰：子午功是火候。二時活取，無昏晝。一陽復卦，子時生。午後一陰生於姤。三

十六又廿四周天度數同相似。卯時沐浴酉時同火。候足時休恣意。曹還陽真人曰：子午卯酉定真機。顛倒陰陽三百息。鍾離翁曰：結丹火候有時刻。蕭紫虛曰：乾坤橐籥鼓有數。坎離刀圭採有時。玉鼎真人曰：入鼎若無漏。刻靈芽不生時。候不正有何定。其斤兩升降哉。蓋刻漏者乃出入息也。陳泥丸曰：天上分明十二時。人間分作煉丹程。若言刻漏無憑信。不會玄機藥不生。金谷野人曰：周天息數微微數。玉漏寒聲漏漏符。純陽真人曰：安排丹灶煉玄根。進退須知卯

酉門。然行火之妙，意不可緊。意緊則火炎，意緩則火寒。勿忘勿助，綿綿若存。如是煉至百日，謂之立基。則精已化氣矣。此皆言小周天煉丹之火候也。正陽老祖曰：丹熟不須行火候，更行火候必傷丹。崔公曰：受氣足，防危凶。火候足，莫傷丹。此言丹成當止火之候也。溫養之候，乃十月道胎之功。既入十月之首，必須用大周天。卽純陽真人曰：從今別鼓沒弦琴。正陽真人曰：不須行火候。爐裏自溫溫。此皆言大周天溫養之候也。而火候之說盡在其中矣。

爐 鼎 圖

偃月爐中
玉蕊生珠
砂鼎內水
銀平只因
火力調和
後種得黃
芽漸長成



玉爐煉就長生藥

金鼎燒成不老丹

爐鼎說

凡鍊金液大丹。必須安爐立鼎。鼎之爲器。非鐵非金。爐之爲器。非玉非石。其爐也。卽爲生人之地。產藥之鄉。號曰太乙神爐。又曰偃月爐。其中自有天然真火。赫赫長紅。欲成煉丹實腹之功。非此不可。蓋此爐乃得天地之正氣。稟陰陽之造化而成。其質本爲坎而化兌。兌復成坤。歷春秋有五千四百八十日。則藏經發洩。與天地氣候相通。三日出庚之際。蟾光始現。鉛華滿爐。於此之時。逆而修之。則不失天仙之位。其鼎也。

位列乾宮。身本離質。鼎中有木液之陰。乃真汞也。非
得真鉛相投。無由變化成丹。而能超凡入聖。此大爐
鼎之謂也。小爐鼎者。乃黃庭爲鼎。氣穴爲爐。縷絡相
連。卽人身百脈交會之處。烹鍊金丹之地也。

玄

牝

圖

空空還竅

號玄關一

氣陰陽從

此產未遇

神仙親口

訣教人何

處結還丹



雲散碧空山色靜

鶴歸丹闕月輪孤

玄牝說

夫身中一竅名曰玄牝。受氣而生。實爲神府。三元之所聚。精神魂魄會於此穴。乃金丹返還之根。神仙凝結聖胎之地。古人謂之太極之蒂。先天之根。造化之源。瀨氣之門。呼吸處。既濟鼎歸根竅。復命關。土釜華池。神室。曲江。命蒂。氣穴。元海。黃庭。然其名頗多。究而言之。無非玄關一竅也。然在身中求之。外非眼耳口鼻。內非六腑五臟。老子曰。在乾之下。坤之上。之西。兌之東。坎離水火交媾之鄉。人之一身。天地之正中。

虛閑一穴。空懸黍珠。不依形而立。惟道體而生。似有似無。若亡若存。無內無外。中有乾坤。此竅乃虛無之妙竅。非形質之可窺。在心之下。腎之上。彷彿其內。謂之玄關。先天元氣由此而生。真息由此而起。所謂冥心內觀者。觀此竅也。凝神聚氣者。聚於此竅也。

先天一氣論

夫先天一氣乃先於天而有故名先天。所謂先天無形之氣能生有形之天地乃是天地之先天也能生有形之我者是生我之先天也。故亦曰先天。蓋父母以此氣而育我體。天地以此氣而生萬物。其有形之物莫不皆從此氣而生。人能逆修此氣即可謂長生哉。從古上仙皆得先天之氣而成道者。欲修金丹之士非此先天不可。所謂先天之氣無形可窺視而不見聽而不聞搏而不得其在杳冥恍惚之中。杳兮冥

兮。中有精兮。精非常精。恍兮惚兮。中有物兮。物非常物。天得之以清。地得之以凝。人得之以靈。然此先天之氣。究謂何物。幽玄莫測。學人無從摸索。我爲玄門通一徑路。使修丹之士。洞達先天之端的。明白一氣之根原。蓋夫父母未生我身之前。一片太虛無形之氣。此乃先天也。既生我身之後。此氣被有形之形體。而障蔽隱躍其中。仙家返本還原之法。卽取此氣。返於我之本處。而復爲先天之體。夫修丹之士。若不明先天之氣。何能盜得天地靈寶。竊得陰陽造化。修成

黍米之珠哉。學者當知先天之氣實爲金丹之母。有此真種。然後可以烹鍊而凝結聖胎也。

第一轉修築丹基

一名凝神返觀

欲修仙道。先修人道。所謂人道者。須從五倫上起事。君則忠。事親則孝。兄弟友愛。夫婦和順。朋友信義。立身正直。存心慈悲。人道盡而後。可以言仙道矣。夫修仙者。以煉丹爲主。其修煉工夫。先須養精築基。仙家修築丹基。使丹來有盛奠之地。鑿開闕竅。使丹來無阻碍之途。然必先明丹田。而後有下手工夫。蓋泥丸宮名謂上丹田。其象如口。氣穴名謂下丹田。其象如橐中丹田。卽是黃庭。以其居口橐之中。故謂之鼎。以

其在金木水火之中。故曰土釜。又曰玄關神室。金鼎。玉爐。中宮。命蒂。等類。然其名頗多。無非言此一竅。生則此竅有。死則此竅無。故曰。關捩子。築基。在此。煉已。在此。結胎。在此。溫養。在此。沐浴。在此。故總名而曰丹基。未生之前。真元俱萃於此。神氣妙合。混沌流通。而無呼吸。又何關竅之不開哉。自有生以後。神氣分散。神自爲神。氣自爲氣。神不內凝。氣不內聚。如此其竅閉如荷包口。而諸關不通。氣始順出。不能逆轉。所以丹田先要聚神氣於中。以爲凝承鉛氣之本。開關丹。

來之路。故曰築基。蓋神乃精氣之君。神聚則精氣聚。神散則精氣散。然而神在兩目。經曰。機在目是也。其法須子後午前入密室。密室者不欲大明。大明則傷魂。不欲大暗。大暗則傷魄。密者謂遠囂而避風氣也。於是厚鋪坐褥。使體不倦也。解寬衣帶。使氣不促也。身體疎直。跏趺而坐。使氣不滯也。然後垂簾塞兌。幽叩緊。舌上柱。手握之紋。揜兩膝上。惟用兩目。內視黃庭。精專一志。不容轉瞬。此卽凝神入氣穴也。非用意注想之謂。只是神氣相依。不致外馳。如氣吸時。心卽

隨之到玄關。氣呼時。心卽隨之到靈臺。蓋觀無所觀。照無所照。而亦未常不觀照也。如此三香下。丹田熱。氣湧沸。自從尾間由夾脊雙關主枕上至泥丸。從明堂華池十二重樓絳宮降下丹田。其逆轉脊梁骨。如火一線滾上頭來。不覺下降。甘露滿口。方是行之久。久則精氣俱凝。鼻氣不出。黃河逆轉。關竅都開。一身之精氣聚於黃庭之中矣。是名曰築基。實則胎息也。

神歸氣海謂之胎氣入臍輪謂之息

經曰。內視久視者此也。又曰。默叩

玄關。千載長存者此也。昔黃帝三月內視。蓋此道也。

第二轉金水鑄劍

一名鍊己

凡男子自離母腹以來陰消陽長直至二八之年乃爲純乾。陰精未產陽氣充足此時若遇明師指示修煉便可入室結胎不必煉已十六以後陰精漸產陽氣日消蓋九三之陽而奔於六二之中乾乃含陰而成離。坤反負陽以成坎。不論走失與不走失而卦象一翻乾體破矣。所以必要煉已完我當初二八之本無少欠缺然後可以結胎不然恐破壞之身難禁真火之煉非徒無益而且有損也。然鍊已必用三年者

蓋陽火五日一候發之，而一月有六候，一年七十二候，積三年所算二百一十六候，則乾之策數補足矣。一候不足，卽非鍊已之全功，是當如此而後可全天地之氣運，其鍊已工夫當以人身癸生之時爲初一日子時數起，至三十時正當初三日巳時，然不可於巳時採取，當於卯時將盡採取爲是。太早則有質而無用，太遲則質生亦無用，妙哉先後之間。此時陰質方盡，陽氣正生，水清月白，一輪瑩淨，當急採之。法象震卦三藥苗正新也。經曰三日哉生明，契曰三日月。

出庚是也。此乃丹家大火候煉已時用之。然而結胎亦用之。則鼎之先天後天不同耳。此卽易云後庚三日結胎之正火候也。正是壬配甲也。初三至初八又爲一候。陽氣發洩在酉。後宜急採之。法象兌卦三契曰八日兌行是也。初八至十三又爲一候。陽氣發洩在午。中當急採之。法象乾卦三契曰乾滿甲是也。十三至十八又爲一候。陽氣發洩在申。初當急採之。法象巽卦三契曰巽見平明是也。十八至二十三又爲一候。陽氣發洩在丑。初當急採之。法象艮卦三契曰

艮直丙南是也。二十三至二十八又爲一候。陽氣發洩在亥末。當急採之法。象坤卦三。契曰。坤乙東方是也。此時正是火虛居戌。所謂先庚三日丁也。悟真篇云。須要製服覓丁公。蓋是言也。此是煉已第一火候。正是癸醜乙也。二十八至初三又爲一候。如環之無端。始終只此六候。轉輪除此六候外。別無火候矣。蓋天地尙不出六候外。別無化機。人能違乎。此皆自然之妙。從古上仙莫不秘之。丹經未常少洩。我今洩漏盡矣。然此煉已火候。月月皆然。而三年亦不異也。

第三轉採藥歸壺

一名坎離交媾

夫三年煉已純熟，萬緣俱靜，心已寂然，不動劍已感而遂通，方可入室採藥。採藥者，採天地未判之氣，鍊混沌虛無之精，待彼一陽初動之時，先天真鉛將至，其時藥苗方新，鉛花正露，一輪蟾光照於西川，當急採之。苟若稍先，則藥嫩氣微，無以配合成丹；稍遲，則藥老生質，若質一生，乃後天有形之物，非先天至寶，採之亦無可用。故曰亥子中間得之最真，斯時也，法坎離顛倒之妙，效金木升沉之用，使水火既濟，天地

交泰陰陽會合鉛汞相投彼感我應彼動我受各懷
真土採夫天地之靈氣奪陰陽之造化半個時中息行
周天度數而當此之時則我之一身精氣不動只於
內腎之下運一點真汞以迎之則坎內之真陽歸於
離宮而復爲乾體矣當其真鉛入鼎之時須要驅除
雜念奮速精神目視頂門用志不分霎時龍虎交戰
造化爭馳雷轟電掣撼動乾坤百脈悚然九宮透徹
金晶灌頂銀浪衝天少頃玉鼎湯溫金爐火散黃芽
遍地白雪漫天夫唱婦隨龍吟虎嘯陰戀陽魂陽抱

陰魄鉛精汞髓結如黍米凝於黃庭丹鼎之中矣此
際玄珠成象正是神仙抽坎填離顛倒之功卽尹真
人曰陽丹結在陰海中猶如坎內一畫同擒來離內
溫溫養此是神仙顛倒功蓋夫世人但知順去生人
生物之理而誰識得逆來成仙成佛之妙哉

周天火候圖

一爻看過
一爻生抽
添火候絕
思塵陽文
陰武依加
減一顆還
丹火裏成



第四轉運火煉丹

一名鍊精化氣又名小周天

金丹大藥生於杳冥恍惚之間，以法攝之而歸我身。則真氣既歸我身，必有薰薰如醉之意，滿目春光，一身和暢，然後起火煉丹。惟此金丹，全憑火候成功。晝夜烹煉，勿可毫髮差殊。前轉採得先天真種，凝結於黃庭丹鼎之中，形如黍米，此謂之結丹頭。須藉火候，漸漸烹鍊，漸漸凝結，則火足藥熟，方成一粒金丹。蓋煉丹之法，當於子時陽氣生而起火，其火候方全。若餘時起火，外火雖行，內符未應，是謂日月失道。陳朝

元曰十二時辰須認子張鴻濛還元篇云十二時中
子作頭搬添運用不停休須識丹田有物始可陽爐
發火卽恍恍惚惚其中有物是物也其用大矣哉天
地賴以判萬物賴以出聖人用之以成道神仙用之
以作丹卽爲生物之祖大道之根源也是物將生謂
之活子時叅同契曰動靜有早晚故所以稱子時之
活也活子時者卽動機也一陽動於六陰之下神仙
於此時而作丹進陽火三十六法象復三三卦此時
言身中陽氣發動之初如復卦之一陽生也丑時進

陽火三十六法象三三臨卦陽氣漸漸開明將欲上
升寅時進陽火三十六法象三三泰卦此時陽氣上
升正駕動河車搬歸鼎內不敢停畱時也卯爲木旺
之地不進陽火沐浴三十六法象三三大壯身中陽
火方半氣候停勻運火至此須防鉛飛汞走故不進
火惟沐浴溫養而已辰時進陽火三十六法象三三
夬卦陽氣升上逼近天際巳時進陽火三十六法象
三三乾卦此時陽火盛極其數圓滿陽極則陰生午
時退陰符二十四法象三三姤卦此時陰符下降之

始也。未時退陰符二十四法象三三遯卦陰符漸降。
漸下。申時退陰符二十四法象三三否卦陰符愈降。
愈下。猶三陰肅殺之時也。酉爲金旺之地沐浴二十
四法象三三觀卦此時身中陰符過半降而入於丹
田。退符至此須當停符正防其危險也。戌時退陰符
二十四法象三三剝卦陰符將盡。亥時退陰符二十
四法象三三坤卦陰符窮極則寂然不動反本復靜。
此謂之一周天煉丹之士當其六陰窮極之時疊足
端坐塞兌垂簾含光默默返照於內致虛極守靜篤。

不可以一毫思慮加於其間。當其寂然不動，萬慮俱
泯之時，河海靜默，山嶽藏烟，日月停景，璇璣不行，八
脈歸源，呼吸俱無。既深入於窈冥之中，竟不知天之
爲蓋地之爲輿，亦不知世之有人，已之有軀。昏昏默
默，如臨萬丈不測之淵。此乃神氣歸根，身心復命。金
液凝結之時，其時猶萬物歸根，閉塞成冬。冬雖主藏，
而一歲發育之功，實胚胎於此。特閉藏無跡，人不得
見耳。先王此日閉關，商旅不行，以順其天道也。卽呂
祖所謂向晦冥息，神氣既已歸根，靜極陽生，迨夫天

機一動自然無中生有變而爲復三三似此周而復
始循環無端如天地之運寒暑如日月之行黃道晝
夜往來周流不息上下反覆無有窮已。人身首乾而
腹坤儼如天地其氣上升下降亦如天地內指通玄
秘訣云日月常行赤黃道衆真學此作還丹其法卽
與天地無異然其所以效日月之運用與天地同功
者其要在乎任督二脈蓋任督二脈爲一身陰陽之
海五氣真元此爲機會任脈者起於中極之下以上
毛際循腹裏上關元至咽喉屬陰之海督脈者起於

下極之膺，並於脊裏上，至風府入腦，上巔循額至鼻柱，屬陽脈之海。鹿壽長生，五百歲爲白鹿，千歲爲青鹿，蓋能通其督脈也。如龜鶴蟾蜍皆壽千歲，蓋能通其任脈也。人能通此二脈，則百脈皆通，自然周身流轉無停壅之患，而長生久視之道斷在此矣。純陽真人詩曰：時人若要學長生，先是樞機晝夜行。玉芝書云：東轉西流，人莫測；地騰天降，鬼難知。劉虛谷還丹篇云：下降上升，循轂軸；左旋右覆，合樞機。翠虛篇云：晝運靈旗，夜火芝。抽添運用，切防危。王玉陽雲光集

云、斡運內丹憑火候載般烏兔走瓊輪不過皆此道也。佛氏謂之轉法輪仙家謂之運周天蓋周身上下陰陽升降之正路也。凡運周天之際須要外除耳目內絕思塵一點真神領氣循環一意馭二氣更不可起於他念若稍有他念則氣散於別絡是空轉無益也。夫周天運火功程夜以繼日工夫不輟則一日之內百刻之中切忌夢寐之昏迷須防火候之差失是以行住坐卧須要念茲在茲自然火候不致虧缺陳泥丸曰行坐寢食總如斯惟恐火冷丹力遲奚可須

與間離哉。所以無一日之可廢工。無一時之可偷怠。漸採漸煉。漸凝漸結。如是不過百日。則精不漏而返。爲氣矣。謂之立基。鼎內金丹已熟。急宜止火。正陽老祖曰。丹熟不須行火候。更行火候必傷丹。其金丹將成之時。必有證驗。兩腎如湯煎。膀胱如火熱。丹田暖信。龜縮不舉是也。夫靈龜不舉。方爲金丹有成。如或微動。不可認成。必須火候煉之。若不煅煉。則氣嫩而力微。難以冲關。須待有冲關之景。而後可移。既然有景。火候當止。若再妄行。金丹已成。而被火逼散。依然

是個凡夫。此當慎之。兩眉之間號曰明堂。乃陽光發現之處。其發現之時。恍如掣電虛空生白。是也。當煉丹之時。卽有陽光一現之景。斯時也。火候未全。淫根未縮。一遇陽生。仍當採鍊。務期圓滿。三百周天之限。數而後已。限數已滿。惟宜入定。培養其陽。靜候陽光之二現。由是於靜定之中。眉間又掣電光虛空生白。卽此陽光二現。正是止火之景。止火之候也。是時三百周天之限數。恰恰圓滿。龜縮不舉之外景。次第呈驗。其時縱有動機。亦須去其爐火。更宜入定。以培養。

其真陽靜待陽光之三現。若陽光三現，靈劍倒矣。卽如來所謂馬陰藏相。此時真陽團聚，大藥純乾。金丹已熟，方得陽光三現。光旣三現，則氣穴丹鼎之內，已有金丹可取。當用採取之法，運過脊後三關，所謂一箭射透九重鐵鼓，而後還於中宮。自此而前，皆有爲有作，修命之功也。

第五轉靈丹出爐

一名採取過關

前面火候已足，則純陽真氣凝聚於鼎中。名曰金液還丹。取而服之，以養道胎。丹經曰：馳騁英雄吞一粒，男兒懷了一年胎。夫丹既鍊熟，須用七日採工，始得金丹出爐。丹經曰：七日口授天機，是也。卽儒所謂七日天心來復之義。其取金丹之法，宜當入定而專用眸光之功。陰符經曰：機在目，是也。故世尊曰：心目所在，是以日間用雙眸之光，專視中田；夜間用雙眸之光，守畱不怠。如是以取之，則金丹自出，大藥自生。慧

命經曰靜照者卽取金丹之正功。不靜則不生發。不照則不出爐。金丹將出爐之際。先有六根震動之景。祇知眼吐金光。耳後風生。鼻有氣搐。身有湧動。腦後有鶯鳴。丹田火珠馳。是爲六種動矣。大率採丹至於三四日間。真定未定之時。六景卽次第而現。若用工至於五六日間。真意一定。則金丹已出爐矣。故七日之期。亦大概而言之。金丹旣已出爐。卽宜過關服食。遷入中田。以化陰神。當其未食金丹之先。有蹊路之危險。須防金丹漏泄。夫尾閭界地有四通岐路。上通

心位前通陽關、後通尾閭、谷道、陽關、尾閭二竅、髓實呼吸不通、而谷道一竅、虛而且通、乃氣液皆通之熟路、尾閭、谷道一虛一實、故名下鵲橋、乃危險之地、自尾閭關上夾脊關、至玉枕三竅、與鼻上印堂之類、髓實俱塞、呼吸不通、鼻下二竅、虛而且通、乃呼吸往來之路、印堂、鼻竅一實一虛、故名上鵲橋、亦危險之地、切宜預爲防之、可憐費盡千辛萬苦、煉成金丹、至此廢盡、豈不痛乎、金丹旣成、須當過關、務先運動河車、而超脫之、更當六門不漏、以相助其轉軸、故下用木

座抵住谷道，所以使身根不漏也。上用木夾牢，封鼻竅，所以使鼻根不漏也。含兩眼之光，勿令外視，所以使眼根不漏也。凝兩耳之韻，勿令外聽，所以使耳根不漏也。齒唇相合，舌抵上腭，所以使舌根不漏也。一念不生，一塵不染，所以使意根不漏也。既然六根不漏，可爲防險之至密矣。夫金丹之在於氣穴間，流動活潑，自能飛昇。上騰一路，皆有晃耀虛白，其上騰於心位，心位不貳，自轉向下。出界地而前，冲陽關陽關已閉，自轉動下。出界地而後，冲夫尾間。尾間不通，必

自轉動由尾間而下奔谷道。谷道易開，大藥洩出則前功廢矣。此下鵲橋之危險也。故務用木座覆棉，取軟坐抵谷道，其勢上聳，不使金丹大藥下奔。既爲外固之有具，又有內固之法。金丹既冲尾間不透，自又轉動，而勢又下奔於谷道，其勢纔見下奔，卽微微輕撮谷道以禁之。斯爲內固之至嚴矣。內外如此嚴固，自能保全，不至下奔谷道。祇附尾間遇阻而不動，斯時也。若用真意導引，則失唱隨之機。縱導引則失唱隨之機。縱導引頻頻終難過關，故有善引之正功焉。

纔見其遇阻不動卽一意不生凝神不動動而後引不可引而使動忽又自動冲關卽隨其動而有兩相知之微意輕輕引上自然度過尾閭而至夾脊矣關前三竅髓阻不通金丹遇阻不動惟是一念不生凝神不動以待其動忽又自動冲關隨其動機而又兩相知之微意輕輕引上自然度過玉枕直貫頂門向前引下至於印堂印堂髓阻不通自轉動而妄行於鼻之虛竅矣若非木夾爲之關鎖豈不洩乎幾乎又廢前功矣此上鵲橋之大危險也故木夾之用不可

不預爲防也。預防有具，則金丹不至於外馳。鼻竅抵附印堂，遇阻而不動矣。惟是一意不生，凝神不動，以待其動。忽又自動，卽隨其機，而有兩相知之微意。輕引下，自然度過印堂，降下十二重樓，猶如服食必入於丹田神室之中。霎時雲騰雨施，電制雷轟，銷成一身之陰，滌除一身之邪，乃爲純陽之體。再加十月溫養之功，則變化通靈，不可盡述云。

第六轉溫養道胎

一名鍊氣化神又名大周天

道胎初凝，必須常常覺照。時時守護，如龍之養珠，女之懷胎，牢關神室，不可使之滲漏。卽行大周天之火，以養其胎。蓋前煉丹時，乃用小周天之武火。此養胎時，當用大周天之文火。小周天火候有進退，有沐浴。有度數。大周天無進退，無沐浴，無度數。卽純陽真人曰：從今別鼓沒弦琴。惟此大周天一場，大有危險。何也？蓋大周天火候，以無爲爲主。若稍一毫涉於有，豈非危險乎？卽正陽老祖云：一年沐浴防危險。夫火候

之要全在念意上用功故念不可起念起則火炎意不可散意散則火冷惟要一念不生一意不散含光默默真息綿綿斯謂之火種種相續丹鼎常溫無一息之間斷無毫髮之差殊此乃長養聖胎之真火候也卽張三丰曰勿忘勿助養靈胎張紫陽曰漫守藥爐看火候但安神息自天然陳泥丸曰火雖有候不須時些子機關我自知廣成子曰丹灶河車休矻矻鶴胎龜息自縣縣白玉蟾曰心入虛無行火候王重陽真人曰胎旣凝養以文火安神定息任其自然此

皆言文火之妙也如是守養三月則二氣之動機甚微但微微動於臍輪之虛境而已若守至四五月間則二氣因元神之寂照以致食味已盡而皆歸定機元神因二氣之培育以致陽明不昧而得證真空二氣俱定食性已絕獨存一寂照之元神以爲胎仙之主矣若更守至六七月間不但心不生滅而且昏睡全無守至八九月間寂照已久百脈俱住二氣歸根是時外景頗多或見有奇異等事但以止念掃去萬勿應他應卽着魔矣直待十月胎滿神歸大定於是

定能生慧。自有六通之驗矣。六通者。漏盡通。天眼通。天耳通。宿命通。他心通。神境通。是也。蓋天眼通則能見天上之事。天耳通則能聞天上之言。宿命通則能曉前世之因。他心通則能知未來之事。惟是神境一通。乃識神用事。若不保伏心君。卽爲識神所轉。卻自喜其能修能證。而歡喜魔已入於心矣。由是喜言人間之禍福。喜言來來之事機。禍不旋踵而至矣。惟是慧而不用。則能轉識成智。始證胎圓之果也。

第七轉調神出殼

十月胎圓火足神全不可久畱於胎故須神念湧出頂門以超內院宜用遷法由中下而遷於上丹田存養存養功純卽有出定景到忽於靜定之中見空中雪花紛飛此乃出定之時斯時也卽當調神出殼當出不出則滯於法身無神通之變化所謂壽同天地一愚夫耳蓋出神之時離凡軀一二尺慎勿驚恐一切莫認直等一輪金光圓滿卽速依然收歸泥丸初出之時或見仙佛菩薩美異之景切不可認此乃魔

之變化若認卽着於魔爲魔所誘迷失自軀無歸宿
矣。須當遂出遂入勿宜遠遊此時元神未老不可輕
縱遠出然後養純一七再出又至二七再出至三七
再出七七一出此謂之乳養出而爲超脫之景收而
爲乳哺之工。喻兒出母腹雖具人形不能遠行全藉
母恩朝夕侍養而後則能神通廣大矣。

第八轉嬰兒乳哺

一名鍊神還虛

夫陽神既出，金丹之道畢矣。蓋此時陽神雖出，尙未老成，如嬰兒之初生，雖具人形，智識未全，須藉母恩，朝夕侍養，所以必須三年乳哺。陽神始得老成，乳哺者，將所出之神，收復歸於泥丸。泥丸一宮，本是陽神歸復之地。神既歸復，須藏以玄玄，守以默默。始則藉坤母黃芽以育之，繼則聚天地生氣以哺之。此感彼應，其中自呼自吸，自由自在。若神仙逍遙於無何之鄉，似如來禪定於一滅之海，雖然到此地位，須要心

地光明母令六賊所侵煩惱所亂若坐若卧常施瑩
淨之功時行時止廣行修持之力遂得六門不漏一
道常存如龍養珠如母育子不可頃刻暫忘刹那失
照鍾離翁云孩兒幼小未成人須藉慈母養育恩三
年九載人事盡縱橫天地不由親此時陽神未壯譬
如嬰兒幼小必須乳哺故有乳哺之名實則靜養也
卽釋所謂禪定寂滅或一定三年或一定九載一點
金光真火收藏於內日久月深則凡軀亦化爲氣神
既妙而形亦妙矣

第九轉面壁還元

一名鍊虛合道

始則有作採藥鍊丹以修命終於無爲面壁還元以
修性此乃性命雙修之道也夫面壁者深居靜室端
拱默默一塵不染萬慮俱忘無思無爲任運自如無
視無聽抱神以靜直至九載功成形神俱妙跳出五
行之外返於無極之先方與太虛同體空空無碍入
水火而不害步日月而無影聚則成形散則成氣隱
顯莫測變化無窮雖然到此地位還須混俗和光積
功立德處凡塵而不同俗流居濁世而莫測行藏行

時時之方便濟人利物作種種之陰功救厄扶困接
引後學普度羣生修到三千功滿八百行圓自有丹
書宣詔白鶴來迎飛昇金闕朝謁玉京名登紫府位
列仙卿九玄七祖天界同登翱翔碧落逍遙蓬瀛此
方爲大丈夫功成名遂之日也

面壁坐禪圖

神火化形空色相

性光返照復真元



虛 空 圖

不生不滅

無去無來



煉到形神俱妙處

誰知父母未生初

立命篇

七言四韻一十六首

其一

爲度衆生出愛河慙慙作此一篇歌功名富貴黃梁
夢夫婦恩情綠水波百歲韶光猶快箭兩輪日月似
飛梭叮囑世上修行客好把汞鉛兩調和

其二

幼讀悟真好學仙年方十七悟玄玄才知精氣三分
藥始識先天一片圓顛倒陰陽吞海月媾交龍虎飲

甘泉有人會得詩中意飛入蓬萊洞裏天

其三

虎龍遠隔路幾千全仗黃婆一意牽自向海中擒玉兔好從火裏種金蓮蓬山養就長生體慾海鍊成不老仙撒手紅塵登別路踴身直上大羅天

其四

庚方月出半輪明纔見先天一氣生須配陰陽爲匹偶好將嬰姦作親情坎離顛倒人難識天地交通道始成一點真金憑火熟從茲有路到蓬瀛

其五

大道玄機意最深金鉛木汞別浮沉採尋坎穴幾分
白填補離宮一片陰從此姓名歸紫府於今凡骨化
黃金潛身只待功行滿丹詔飛來上碧岑

其六

兌卽白兮震木青兩情相戀入黃庭虎龍蟠聚丹初
熟牛女會交神白靈四象五行全藉土三元一氣莫
離丁金丹信道是何物原屬坎中一畫形

其七

立命篇

大藥生來太極先不產海上并山川家家自有長生
酒箇箇懶修物外緣有質有形非妙道無名無象卽
先天人須人度真奇巧衣破衣填理亦然

其八

順生萬物逆成仙妙訣從來豈浪傳父母生前窮至
道乾坤交後結胎圓蟾光明照西川地兔魄返居北
斗天三五一輪金水足伫看明月出深淵

其九

時人若要學飛仙先奪陰陽造化權水火爐中烹日

月坎離鼎內別坤乾青衣姹女駕龍出白面郎君跨
虎顛丹熟自然光赫赫圓明一顆法無邊

其十

潭底老龍鎮日眠莫教飛上碧瑤天泉分坎腹金鉛
現月白山頭大藥鮮子午抽添行火候陰陽呼吸運
真銓用工晝夜勤烹煉從此靈丹漸漸圓

十一

陰極陽生正子時曲江有藥可採之搜尋虎穴千金
寶栽接龍宮五色芝酒熟鄰家憑我醉花開隔徑與

誰知一朝收得先天種男腹懷胎莫笑癡

十二

金烏玉兔各東西遠隔天樞道不齊戊己爲媒能勾
合陰陽相會作夫妻龍吞虎髓產眞寶汞得金華出
污泥一點靈光通世界衆仙共慶赴瑤池

十三

金鼎安排煮玄英大藥無非神氣精起火晨昏須認
候封爐卯酉細分程玉壺滴滴定消息丹竈溫溫排
甲庚十月聖胎功滿足陽神脫殼上瑤京

十四

一粒還丹功最深登雲有路復何尋脫離塵網歸蓬
島跳出樊籠入上林要學神仙無別訣鍊烹同類水
中金天機玄妙我都洩幾箇凡夫向道心

十五

滄海桑田多變更莫如訪道去修行須知世事猶棋
局堪笑人生不夢驚若是君身無俗骨何妨燒藥學
長生爐烹九轉靈丹熟穩跨翔鸞入太清

十六

立命篇

今得人身豈偶然須知前世種因緣回頭早出紅塵
界立腳休墮苦海邊一顆金丹雲外路九年面壁靜
中禪功成跨鶴昇天去畱得姓名萬古傳

立 命 篇

翻印者：黃

瑾

印贈者：王

晉

岑

承印者：平陽印刷製版所

台北市南京西路一〇七巷四八號

電話：五四一六三八六號

中華民國六十七年三月

